

Balo: Bible for 1 Thessalonians, 2 John, 2 Peter, 3 John, Colossians, James, Jude,
Philemon, Titus
Formatted for Translators

©2022 Wycliffe Associates

Released under a Creative Commons Attribution-ShareAlike 4.0 International License.

Bible Text: The English Unlocked Literal Bible (ULB)

©2017 Wycliffe Associates

Available at <https://bibleineverylanguage.org/translations>

The English Unlocked Literal Bible is based on the unfoldingWord® Literal Text, CC BY-SA 4.0. The original work of the unfoldingWord® Literal Text is available at <https://unfoldingword.bible/ult/>.

The ULB is licensed under the Creative Commons Attribution-ShareAlike 4.0 International License.

Notes: English ULB Translation Notes

©2017 Wycliffe Associates

Available at <https://bibleineverylanguage.org/translations>

The English ULB Translation Notes is based on the unfoldingWord translationNotes, under CC BY-SA 4.0. The original unfoldingWord work is available at <https://unfoldingword.bible/utn>.

The ULB Notes is licensed under the Creative Commons Attribution-ShareAlike 4.0 International License.

To view a copy of the CC BY-SA 4.0 license visit <http://creativecommons.org/licenses/by-sa/4.0/>

Below is a human-readable summary of (and not a substitute for) the license.

You are free to:

Share — copy and redistribute the material in any medium or format. Adapt — remix, transform, and build upon the material for any purpose, even commercially.

The licensor cannot revoke these freedoms as long as you follow the license terms.

Under the following conditions:

Attribution — You must attribute the work as follows: "Original work available at <https://BibleInEveryLanguage.org>."

Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original. No additional restrictions — You may not apply legal terms or technological measures that legally restrict others from doing anything the license permits.

Notices:

You do not have to comply with the license for elements of the material in the public domain or where your use is permitted by an applicable exception or limitation.

No warranties are given. The license may not give you all of the permissions necessary for your intended use. For example, other rights such as publicity, privacy, or moral rights may limit how you use the material.



Colossians

Chapter 1

¹Pol, eau aposel te Eibus oilo la masagala te Deo, e Timoti e kelesi tatou,²te Deo maroka la valalua esou tia vagari kilesi tatou Eibus e sou oama kolosi.La tiamulila goama semu, la korala mogama Deo e tamale tatou.³Tatou veitau e Deo, e Tamale tatou e Eibus, e mitou kaka tam la rotomi.⁴Mitou lolo la vagarila oilo Esus oilo tiamulila a abia semitou e Deo makaro lavalua.⁵Eme taola ti la momogela oata la mori. Eme lolo laimala elaisao ⁶oilo la vi la magasa te sesele, la vikarala,A goma semu. La vikarala a tau lavuala a kusi oilo la magasa. A omai igo megei oilo lemu soko la logo ale em lolo a rovia tela tiamulia te Deo oilo seselela.⁷La vikarala eai eme ge tilimula oama me rovia e Epafra, a vagari sele la tilimuli a samura, a samura vagari sele oilo le Eibus oata le tatou.⁸ Epafra igo lamia oilo lalulu.⁹Lavula la tiamulila, soko la logo ale e mitou maila balo la kilaka tamu. E mitou sage e me gevolu la mari oilo la masagala te lalulu gabutala.¹⁰ E mitou la kilaka e emege tugatau oilo la Uru oilo la baoga lai. e mitou kaka e mege tau lavuala a gekora sele to emege kusi o ata lamari te Geo.¹¹E mitou kaka e mege kaisobo la vovulola vagarila oilo la vagarila oata la mori oilo la tikumula la tiamigi.¹²E mitou kaka eme ge volu sele lamogela e mege vaitau e Tamale tatou,E ea tau etatou oilo a giligi e mutou a tiatao la Deo la makaro la valua oilo labaoga¹³E ea abi rivu etatou oilo la maligoma a goma tau e tatou laba talia e latula a masaga selea,¹⁴E ea moli abi rivu e tatou oilo la mali goma la pekato.¹⁵A kusivai e tamala Deo, a lapasalagu te lamamia tomi.¹⁶Oilo moli lela lamamia subitala,esou o ata lamori e sou o talo lamagasa,o ata gaman wa lamulaluga, la mamia tomi subi tala lela a talia.¹⁷E ia moli a muga lamamia tomi, oilo lamamia a vikapopo.¹⁸La sios la lutole Eibus, e Eibus a la lutole sios. e ia la pasalagu tela o ata , to aea amuga lamamia tomi. ¹⁹To Deo vai mage la mamia tomi korati oilo lela, ²⁰A gomi abirivu e tatou oilo e latula soilo sela. Deo abi rivu e tatou te la kasoso o ata la tavalautu.Deo abirivu e tatou soilo sela, la mamia o talo lamagasa o ata lamori.²¹Laimala isa e mutou malau e Deo to emutou pau malau e Deo a tiamuli e motou abi rivu e mutou oilo lamia bugugu.²²Lamoli abi rivu e tatou oilo lavovola tela pileo talia. a igo magei lava e mutou ge makaro, sele, o ata elaisa lela,²³ Mege sukutava la tiavagari,eme suku malau mala lavikarala e meloloa. la vikarala yai a goma sesou pou oilo lamori. lavikarala magei e yau,Poli, tela valolola.²⁴E iau momoge sele oilo lailigi tamu, E iau igo la vikarala,Eiau e Pol,subitala la samura te Deo.Iau Pol,eiau momoge te la bulela tikumu la tamutou oilo la vovo gu tomi Esus omai bobolea oama la vovola egei oilo la lotu,²⁵Iau la samura te la Lotu tilimulia la igogolu e Deo abia tia segu tela kiloli le mutou a lou ge vituga la vikarala te Deo.²⁶La vikarala a tabuli kovu,a tukovu elaisa sele egai e tutubula tatou lou,La vikarala a tabuli matagati seso ale makaro oama la matala.²⁷E sou ale Deo masaga tatou ge rovitau lava a kora te sou lamutula.Mage Esus a oilo le mutou gabutala vagari mage Esus a uru sele oilo lamori.²⁸E mitou rovi lava e mitou vaipalala a,Mitou vaipala matagagea lavikarala sesou lavalua ale emitou vimasi esou lamari mage emitou abi esou somi lagule Uru esou ge taola Balo lairuru oilo Esus.²⁹Eau tuatavu vagari tavua laigogolu te Esus eia moli abi lavagarila segu.

Chapter 2

¹Eau masaga e mutou gerovia la viotavua la kiloli leku,tesou oilo Laodisia tesou ale oilo Balo lagugu.²Eau igo latiale esou ge vagari esou ge vika popo ge marivagari oilo la masagala ale volu esou ge rovi lamia tukovu te Deo, e Esus.³Oilo moli elela la gabutala kakora a tukovu.⁴Eau vei megei asa koramuli balo ge vigogolo eme la vikarala bugugu. ⁵Aota eiale eiau oilo balo la vovo,eiau oilo la Lalulu.Eau momoge la papaga a tabuli tatau la vagarila oama le Esus.⁶Eme abi Esus,tuga oilo lela. ⁷Eme mariri vagari oilo lela,tuga tatau oilo lela,tilimuli la masagala talia mage a virovi eme,eme ge taola papai la papaga oilo le Deo.⁸Emutou ragi tau igo muli esou ge sautola e mutou oilo la vigogolola la gabutala la vikarala bulau la vovulola te latalo.Age igo e mutou sautoa lamia lamagasa e Esus ge Bolo.⁹Lavula a vovulo le Deo a oilo lavovola.¹⁰Eme mutou volu sele oilo lela, Esei a oata lutole la vagarila tomi.¹¹Oilo lemutou la vovulola kiroro lavovo.A mage balo latalo korora la limala,Esus abi tasoti lapekato tamutou.Eale a mage moli lakiroro lavovo.¹²Esou koli e mutou tomi eia oilo lavovo, Ge muli tomi e Esus oilo la vagarila te Deo a vimulia oilo laliba.¹³La imala e mutou oilo la maligoma la pekato lamoli a koro balo lakui lavomu,Aigo e mutou abi lamulila oilo lela abi taso la pekato tatou.¹⁴Abi taso lamakodo agomi kikesi labuku tela lo talia.Aomai abi taso lapekato tatou vitilia oata la tavalautu.¹⁵Eia abi taso la vagarila a igo esou lavora agomi tau esou labaoga apolo la vikuela oata la tavalautu.¹⁶Eme, mala roromuli e atasa ge vei eme lilali va liluku, va lalilali uru o la tablamale alaba,va lotu. ¹⁷La papaga tomi eai a lalulula moli ge goma,ala moli e Esus moli la vula papaga tomi.¹⁸Emutou mala ge lolo latalo tasa ge tau e mutou stalo ge lotu tavu e anel ge abi taso e mutou lamulie mutou ge abia.La talo eale a volu la papaga te la magasa. ¹⁹Eia sau balo lutole mutou.Eale a mogoma la mulaluga tela vovom tobom a abi tomolia soama; a kusi tomi la kulusi te Deo.²⁰Mage eme peo tomi e Esus lalulu omai la magasa,mamesi eme koramuli balo ge peo tomoli la vovulola eale: ²¹Mala sau, o tovolalaia, va palia"? ²²Lapapaga tomiai age kaluvu,lpapaga eai la talo tobola a igoa la gabutalala stereti. ²³La vala eale esou taola la papaga te la lotu,la talalo eale esou visubitalea ge vigogolo e mutou,esou ge igo bugu lavovo le muto tomi la tiale mutou.

Chapter 3

¹Mage Deo visiti eme tomi e Esus, ilio la papag te ale oata, mage Esus apou la limale Deo e gata. ²gabutala la papaga ale

oata mala gabutala papaga la magasa.³Eme peo ala moli e Deo a tukovu la mulimu oilo le Esus. ⁴Iaim mala e Esus a oilo lelemu, la mulila tam age tabuli matagaga, la matagagala la vagarila uru sesele talia.⁵E mutou ge bilipeo, la vovulola te la magasa, mage la vovulola teia tivurala ge igo la vovulola bugu la balovala, la vovulola tumata bugugu. ⁶la vovulola moli yale la atemamasila te Deo age gomai se la valua esei a lolo balo vikarala. ⁷Mutou lou tuga oilo la vovulola yale laisa. ⁸Ala moli egei e mutou ge litaso la vovulola mage, la igo totolola, la atemamasila la tia tivura la vovulola bugugu, la vei bugu la tia la livagile olala la ase le mutou. ⁹Mala vei la vigogolola le sou sari, te lava, e mutou abi taso ti la vovulola ale mamuga la vovulola mamuga e mutou igigoa, ¹⁰Egei mutou tau la vovulola alaba talia eia igo mutou ge makaro. Eia igo mutou makaro la gabutala la tirarola talia. ¹¹Lavulola yale e Grik e Euda balo, la talo koro la vovola o bulau ala moli, Esus eia la vula papaga tomoli eia oilo la papaga tomi¹²Mage e Deo turi e mutou ge pou maroka masagala la valua ge gogo esou la valua ge igo guma sesou sari pou guma. ¹³Igogolu vikipopo esou sari. litaso lavovulola esou igoa, igo lavovulola se sou. Mage isa tia tikumu tomi e tasa litaso la iruru talia le mage Esus litaso lairuru tamutou ele. ¹⁴Oata te la vovulola yale e mutou ge taola e mutou ge taola la vovulola te la masagala, eia bibibi vagari lavovulola kakora. ¹⁵Sautola la tia migila te Esus age volu oilo la tiale mutou. La tia migila moli yale e mutou suguvi la vovo itasa. Emutou ge vei tataua. ¹⁶Abi la vikarala te Deo a kora muli ge volu sesele oilo le mutou. La gabutala kakora tomoli e mutou ge abia se sou la valua la buk tela bilau la lotu tomi la momogela ge vei e tataoa. ¹⁷Te lava e mitou igoa la vikarala o la vovulola tomi la lisale Esus vikara vei tataua e Deo. ¹⁸E mutou tavelile, e mutou ge kora muli ge otalo le la talo yale a mata tataua le deo. ¹⁹E mutou la valua, emutou ge masaga sesele estule mutou mala vikara vagari se sou. ²⁰Latatu e mutou ge lolo la vikarala te tamatila le mutou te la papaga tomi, la vula lava e Deo a momoge la vovulola a le kokora tataua sesele. ²¹E mutou e tama mala igo e latu ge tia tivura, igo muli esou ge gabua mage esou kora muli ge igo la paga itasa. ²²Emutou lasamura, emutou ge lolo la vikarala te sou la muluga tamutou emutou ge igo la papaga tomi, mala igigoa age momoge laimala age ilo e mutou, ala moli igolu tomi la tia kokorala eme ge taola la tirara le Deo. ²³Esi la papaga e mutou igoa, igo tomia la tiale mutou soama se Deo la talo balo. ²⁴E mutou ge rovia megei e mutou ge abi la mapala te Deo mege avei ti la vikarala talia. Emutou ge igo laigogolu te Deo e Esus esei e mutou tilimuli eia. ²⁵La talo a igo la vuloa bugu age abi la mapa, te lava la vulola a igoa tia mulila balo.

Chapter 4

¹ Emutou la mulaluga, abia se sou la samura tamutou lava a kokora eia kokora tatou sesele. Ge e mutou ge rovia mege, emutou lou taola e Deo oata la mori. Emutou ge kaka la imala tomoli mala tatasa mage emutou ge vei tatao e Deo.²Mutou la mulaluga, abia se sou la samura tam lava a kokora lakokorala. E mutou ge kaka laimala tomi mala tautataso la kilaka se Deo. ³Emutou kaka lou le mitou, eia e Deo a kope la mata se mitou ge vei palaia la vikarala te Esus, laisa a tabuli kokovu. La vikarala moli, eale iau pou oilo lapulu. ⁴Ge kaka mage eia ge vei palaia tataoa mage la vikarala eia le eia kora muli ge igoa. ⁵Vei loua la vovulola kakora se esou lavalua ale esou rovi balo e Deo igo tataua laim mala tam. ⁶Ge la vikarala tam lou age kokora. Ge igo tataua age malma eme ge rovi tataua la kilolila vikarala te sou lavalua. ⁷Tikikus ge igo matagaga la papaga tomoli a suguvi elegu. Mure kilesi tam a kokora te samura te Deo age samura oilo te Esus. ⁸Iau baia somai se mutou e mutou ge rovi la papaga ale suguvi omai le mutou ge vivagari la tia le mutou. ⁹Iau bae Tikikus misule Onesimus, esei samura kokora e kilesi tamutou. Esou ge veia se mutou la papaga tomoli a subitala omai le mitou ovei. ¹⁰Aristakus avei laro se mutou, a pou tomi e mile Mak oilo lapulu, e lavole Barnabas, (esei iau vei tia se mutou, pulia age golala se mutou), ¹¹E Esus esou toia e Jastus. Esou la valuale Euda esou la samura teleku ge visiti la Kingdom te Deo. Esou koli tataua eia. ¹²Epafras avei laro se mutou. Eia tasa tamutou la samura te Esus. Eia a vagigari la kilaka le mutou ge mariri vagari la gabutala ge tilimulia la masaga la te Deo. ¹³Eau ilo eia, aigolu vagari le mutou esou la taon Laodisia esou la taon Hairapolis. ¹⁴Luk eia e Dokta emitou masaga selea, esu le Demas vei laro semutou. ¹⁵Eau masagea veia la laro teleku sesou e kilesi te Laodesia abi lou laro teleku se Nimfa, oilo la luma te sou. ¹⁶Laimala mitou kekesi la pas kabili le mitou lou, e mutou ge litaso esou ge kekesi somai la valua te Laodesia. ¹⁷Veia Arkipus, "bomuli tatao la igogolu te Deo abi selea eia ge igo tatao la igogolu iale." ¹⁸Laro eiau e Pol kekesi la limagu. Gabutala eau kaka teleku, iau omai la pulu. Tia mulila te Deo a koramuli olala le mutou.

1 Thessalonians

Chapter 1

¹Eau e Pol kesi la pas, silvanus tomi e Timoti pou tomi e eau e mitou vasi la pas soama la sios oama Tesalonika esi oama tomi e Deo Tete tomi la Uru Esus Kristus. La tiamulila tomi la tiamigila age omai le mutou. ²Laimala tomi mitou viveia tartigi se Deo se mutou laimala mitou toi lisale mutou oilo la kilaka te mitou. ³Laimala tomi mitou gabutatala mage mutou igo laigogolu te Deo tomi la bilip, eia Tamale mitou, e mutou igogolu tomi la vovulole mutou tela masagala, e mutou sautola vagari la gabutala tela papaga age subitala mavuli omai la Uru tatou e Eiusus Kristus. ⁴E Deo a masaga e mutou ge titasi, e mitou rovia mage eia tauti e mutou. ⁵Telava, la vikarala mitou veia se mutou la vikarala bubu balo, la vikarala eale agomai tomi la vagarila tela Lalulu mage la vikarala asele. Tela lai eale eme rovia mage mitou lou mage esou la talalo kabili le mutou, te mitou ge koli e mutou. ⁶Emutou tilimuli la vovulole mitou e mitou tilimuli e mutou lou tilimuli sele la vovulola tela Uru. Emutou mutou abi la vikarala oilo la utukumula uru tomi la momogela age gomai Lalulu. ⁷Tela lai eale, emutou mege la lalulula moli omai la valalua oma Mesodonia e Akaia esi bilip. ⁸E mutou moli la vikarala tela Uru

Chapter 2

agorara, omai balo lesou e Mesodonia tomi e Akaia moli. Balo, omai la baba tomi esou loloa mage mutou bilip sele le Deo la vula moli eale mitou kora muli balo ge vei la vikarala sa lou. ⁹Esou lou vei mugea mage mitou gomai semutou. Esou lou veipala lou e mutou tau taso la papaga la magasa ge gomai tilimuli e Deo la seselela la maulila. ¹⁰La vikarala lou mage mutou omai pou titali e Latule Deo oata heven, eia karutu rivu lou la matmat vakasa moli. E Esus esi abi rivu e mitou la utukumula age gomai.

Chapter 2

¹Tatuagu, mutou rovitia mage, la gomai la te mitou se mutou a kokora sele. ²E mutou rovi ti e mitou mage mitou abi la utukumula uru tomi la maelala oama Filipai. Alamoli e Deo abi la vagarila se mitou ge veipala la gutnius te Deo semutou oilo la utukumula eale. ³La vikarala vagari sele mitou veia se mutou la bagarap balo olala, la vovulola kokora balo la vigogolola balo. ⁴Deo a tauti e tatou eia bilip le tatou ge veipala la gutnius semutou, magele mitou veipala. E mitou veipala balo ge vimomoge mutou moli, balo, mitou veipala ge vimomoge Deo. Telava, eia moli ililo la tiale mitou tomi la gabutale tatou. ⁵Mutou rovi tia, lalogo isa balo mitou vigogolo va gigisae lisale mutou va abi la papaga tamutou, va e mitou vei balo la vikarala sa bugu semutou va tukovu la igotaola ge abi la vati tamutou. Balo, E Deo ailo tomi la papaga mitouigoa. ⁶Emitou masaga balo ge abi la lisa uru omai lesou talalo va e mutou. Mitou la samura te Kristus mage mitou koramuli ge abi la papaga omai le mutou. ⁷Alamoli mitou pou pakisi moli kabili le mutou mege e tila matamumuli tatao e lulatula. ⁸Tela lai eale, mitou masaga emutou, momoge, ge veipala la gutnius te Deo, alamoli mitou abi la maulila te mitou lou. Telava, emutou masaga sele mitou. ⁹Titasigu, emutou gabutala la igogolu uru sele te mitou. Mitou igogolu laro, laroro telava, mitou masaga balo ge abi la utukumula semutou. Tela laimala eale, mitou veipala la gutnius te Deo semutou. ¹⁰Emutou tomi e Deo la witnes, emitou tilimuli la vovulola a maroka tomi la vovulola kokora kara mege mutou ge pamulia balo la pekato isa omai le mitou. ¹¹La lai isa moli emutou iloa rovitia la papaga mitou igoa semutou i tatasa mage Tete igoa se lulatula. ¹²Mitou vagari tavu e mutou vei rutu e mutou ge tuga oilo la vovulola te Deo eia masagea, telava, eia tola emutou ge goilo la kindom talia tomi la glori talia. ¹³La vula tiale emitou abi e tenkyu se Deo laimala tomi, telava, laimala mutou abiti la vikarala te Deo mitou veipalia semutou, emutou abia balo mege la vikarala tela talo. Balo, emutou abia mege la vikarala te Deo, telava, la vikarala eale a igogolu kabili le mutou esisei e mutou bilip talalotavevile. ¹⁴Mage moli emutou titasigu emutou mege ti la talo ge tilimuli la vovulola te la sios te Deo oilo le Esus Kristus oama Juda esou igoa tela valalua tarsou. ¹⁵Esou e Juda la valalua moli ale bili e Esus Kristus tomi esou la profet te Deo. Esou moli veia se mitou ge gorara. Esou momoge balo e Deo, balo, telava, esou tiabugu esou la valua. ¹⁶Esou vei sobo mitou ge vikara tomi balo esou sari, telava, gomuli esou lou ge abi la maulila, timagele la pekato tarsou a volu sele mage lilali bugu tela vovulola eale. Lilali la pekato tarsou la atemamasila te Deo age oata le sou tela kaluvu la magasa. ¹⁷Mitou pou malau le mutou titasigu, alamoli la tiale mitou olala tomi e mutou. ¹⁸La masagala te mitou uru sele veia ge gomai se mutou. Eau tobogu e Pol, eau masaga sele ge beurivu loua alamoli e satan atau sosobo la lai teleku. ¹⁹La papaga mama mitou kora muli ge abi rivua, tela momogela, lutole king age abi lisa uru e mitou ge abia laimala la Uru e Esus Kristus ge gomai? Emutou tomi esou sari esi la valalua esou bilip? ²⁰Emutou moli mitou momoge ge abi lisa uru.

Chapter 3

¹Emitou tiamuli sele mutou emitou gabutalea mege mitou kora muli balo ge tautaso la papaga magai ge tabuli taba tomi e mitou, la gabutala le mitou a mege, a kokora sele, emitou ge pou rivu lou omai e Atens. ²Emitou ba e kilesi te mitou itasa e Timoti eia la samura te Deo ge veipala la gutnius te Kristus ge vagari esou age koli lou esou la bilip tarsou. ³Mitou igo eai la talo isa balo ge boru omai la utukukumula tomi la tivurala. Emutou rovitia mege e Deo tobola tauti e mitou. ⁴Asele, laimala emitou pou tomi e mutou, emitou veitia se mutou mage mitou ge bola la utukumula, la paga eale aiti subitala ti mege mutou rovitile. ⁵La vula ti moliele, eau bae Timoti solala semutou. Telava, eau veia ge rovia mage mutou solala sautatola la bilip tamutou va balo? Gomuli la talo la tilovo age tovo emutou la igogolu temitou age kaluvu bulau moli. ⁶Alamoli e Timoti ilo ti emutou abeurivua tmi la vikakarala kokora mage la bilip tamutou tomi la vovulole mutou asomai vagari sele le mutou. Eia veia se mitou mege, emutou somai gabutala e mitou va emutou masaga sele ge ilo emitou, mage moli, emitou lou va ge ilo sele mutou. ⁷Magele tatuagu, la vovulola moli eale, la bilip tamutou abi la tiamigila se mitou oilo la utukukumula mitou omai bobolea. ⁸La bilip tamutou a vagari sele omai la Uru igoa emitou abi la vagarila emitou mauili oilo la bilip te mitou. ⁹Mitou gabutatata emutou e mitou momoge e Deo oata sele, mitou gabu la vovole mitou mage la vovulole mitou ge kaka se Deo a sobalo koramuli la momogela eia abia se mitou. ¹⁰Lalogo tomi mitou kakaka vagari ge ilo lou la lulagule mutou ge vagari la bilip tamutou. ¹¹E Deo e Tamale tatou, la Uru Esus ge virovi etatou lai age visele mitou soama se mutou. ¹²Kora ti megele la Uru ge igo emutou ge masaga esou sari, ge masaga lou la valalua sari mege moli emitou masaga emutou. ¹³Eia ge vagari la tiale emutou e mutou ge makaro la pekato isa balo ge tausobo emutou oama la lulagule Deo e Tamale tatou laimala e Esus ge beurivu loua tomi esou la valalua maroka talia.

Chapter 4

¹Tatuagu, vikarala vagari semutou omai lisala Uru e Esus. Mege mutou abiti la vikarala omai le mitou la tiluga tamutou tomi e Deo, la vovulola le mutou laimala mutou tatuga, emutou ge igo tataoa selea. ²Emutou rovitia mege la vikarala

mitou abia se mitou oilo sele la Uru e Esus.³Eale amage la masagala te Deo, eme maroka, emutou ge igo balo la povurula,⁴emutou tatasa rovitia lava emutou ge igoa omai le mutou oilo la maroka, la tilogo,⁵oilo balo la vovulola bugu (mege esou e Gentile esi rovi balo la Uru).⁶Mala roromuli la talo itasa ge vigogolo eme va igo bugu e tasim itasa. La Uru aomai sele la papaga eai, emitou veia sem eme ge veipala.⁷E Deo atola etatou balo ge sau la papaga bugugu lulau, balo tatou ge makaro.⁸Tela vula eai, esi talo roromuli balo la vikarala esou la talalo balo, alamoli e Deo, esi abi Lalulula se tatou.⁹Maroto emitou koramuli ti balo ge kekesi lou soama semutou, emutou tobole mutou rovi tia mogoama le Deo ge masaga itatasa.¹⁰La vula eale, emutou ge masaga tomi e titasile mutou oama e Mesodonia. Emitou veia semutou, emutou igo molia, la masagale mutou.¹¹Emutou vagari ge abi la mulila kokora, igo la igogolu tamutou tobole mutou, igogolu ola lalimamu, mage emitou bae mutou,¹²lavula emutou ge igo tao laigogolu esou ale orara lasios geilao , esou ge momoge lavovulole mutou.¹³Emitou masaga balo mage, mutou ge matagaga balo titasigu, esou lale mavuta, lavula emutou ge tali balo esou ale peoti, esou pou taliti balo labileula te Isus.

Chapter 5

¹Korale, tatuagu, la paga isa balo ge kekesi lou somai se mutou laimala la Uru ge beurivu loua somai. ²Telava, emutou rovitia mege, lalogo tela Uru age goma mege la talo la pakalila.³Laimala esou la valua ge vei mege, "la papaga tomi atabuli tatao moli la papaga sa balo bugu,"laimala eale, la bagarap uru ge subitala omai le sou. La bagarap eale age mege latavile e latula ililia. Esou la valalua eale ge pamulia sele lai ge ele la bagarap eale.⁴Alamoli emutou tatuagu, emutou omai balo la maligoma uru lalogo eale ge sele emutou mege la talo la pakalila. ⁵Telava, emutou mege latula lait tomi laro. Tatou latula maligoma balo. ⁶Etatou koramuli balo ge mavuta mege esou sari. Tatou ge pou ge mata mulia mege la talo taola la gabutala kakora. ⁷Telava, esou esi mavuta, esou mavuta laroro, esou ale liliu, esou liliu laroro.⁸Laimala tatou pou mege la valalua laro, laimala tomi etatou ge taola la gabutala kakora, tatou ge taola la vovulola la bilip la vovulola ge masaga esou sari mege la siot kapa. Tatou ge kai la lati mege la Uru ge goma abirivu etatou. ⁹Telava, e Deo amaki balo etatou abi balo latemamasila talia, tela Uru tatou e Eius Kristus age abirivu etatou. ¹⁰Eia moli la talo esi peo omai le tatou, etatou ge muli tomi eia, laimala tatou omai mulili va tatou peoti. ¹¹Mege moli, koli itasa ge vagari la bilip tarsou sari, mege moli emutou omai igigoa.¹²Mitou sage emutou titasile mitou, ge rovi esou esisei igigo la igogolu uru kabili le mutou, esou la mulaluga tamutou oilo la Uru, oama lou lesou vikara tatao semutou. ¹³Eia lou, mitou sage mutou ge rovi esou eai, tela vovulola la masagala, telava, esou igo la igogolu. Emutou ge taola la tiamakarigila kabili le mutou. ¹⁴Mitou vikara vagari semutou tatuale mitou: mitou vikara vagari sesou esi pou tatao balo ge vagari la bilip tarsou esi gabu la vovole sou, koli lou esi vagari balo, igo tatao sela valalua tomi.¹⁵Emutou ge iloa mege isa balo omai le mutou koli rivu la makodo talia tela vovulola bugu sesou sari esou igoa sela. Alamoli, emutou ge igo la papaga akokora sesou tatasa sesou sari sela valalua tomi. ¹⁶Emutou ge momoge laimala tomi. ¹⁷Kaka laimala tomi. ¹⁸La papaga tomi tartigi sele la Uru. Telava, eale la masagala te Deo omai le mutou igoa oilo le Esus Kristus.¹⁹Mala tausosobo la igogolu tela Lalulu. ²⁰Mala tofosa la vikarala tesou e profet. ²¹Matamuli tatao la papaga tio sautola lava akokora. ²²Pou malau la vovulola bugu laimala esou tau palaia.²³E Deo la talo la tiamulila age igo mutou pou tatao sele. La Lulu, la vovole mutou age tabuli tatao la pekato sabalo ge omai le mutou kara la Uru Esus Kristus age abirivu loua. ²⁴La talo esi tola emutou apou riragi laimala tomi, eia ge igo eai subitala. ²⁵Tatuagu, kaka lou te mitou. ²⁶Igo la vovulola kokora sesou e tatuale mutou tomi la vovulola la masagala sesou sari. ²⁷Iau sage mutou, oilo lisale Uru, emutou ge gigi la pas soama se tatuale mutou tomoli. ²⁸La tiamulila tela Uru tatou e Eius Kristus age olala tomi emutou.

Titus

Chapter 1

¹ Eau e Pol, kekesi la pas soama sem e Taitus, lasamura itasa te Deo tomi latuturiala te Esus Kristus, e Deo aba eau ge vatiteli esou la valua igo esou mage eia, esou talia esou lou ge tiamigi sele. Eau igogolu ge koli esou la valua ge rovi, lava asele esou lou ge poutatao ge momoge eia.²Tomi la vagarila la gabutala tela maulila age tabuli lalogo tom e Deo, esi rovi balo la vigogolola,asakitola ti la vikarala mugati la magasa sobalo subitala. ³Laimala talia seleti, eia igo la vikakarala talia tobola tela vikakarala eia masaga eau ge veipalaia. Eau igo lamamia eai ge tilimuli la vagarila tela vikarala te Deo esi abi rivu etatou.⁴ Eau kekesi soama sem e Taitus, telava eme mage la Peso etasa telegu, telava etarua tomi bilip le Esus Kristus. Latiamulila tomi latiamigila te Deo Tete e Esus Kristus esi ge abia semutou la poutataola lararo tomi. ⁵Tela vula eai eau litas eme oama e ailan Krit, mage eme ge tautatao la papaga asobalo kaluvu ge igo esou la mulaluga oilo lagaletomi ururu mage eau veitia sem ge igogolu.⁶Esou lamulaluga ge taola balo la pekato, ge puli moli latavile itatasa, tomi e lulatulou sou, esou vikara sakiki balo ge tilimumuli lou balo la masagala tarsou tobolesou. ⁷Akokora tatao sele mage la talo esi ailo mumuli tatao la papaga oama la luma te Deo, age taola balo la pekato. Eia koramuli balo ge oata sele va latalo arovia la papaga tomi. Eia koramuli balo ge latemamasila, age liliu lou balo, age latalo la vikekuela balo,eia lou koramuli balo ge sautatao la papaga talia tobola.⁸Alamoli, eme ge rovia mage esou la vala eme rovi balo esou ge masaga la papaga akokora. Eme la talo itasa ge bomuli la papaga, latalo apoutatao,latalo la te Deo,esi koramuli ge bomuli eia tobola. ⁹Eme ge sautola vagari la vikakarala la selela esou veitia,age vagari lou esou sari tomi lavikakarala kokora age tabuli tatao ge veia sesou esi tiabugu tomi eia.¹⁰Eau veia sesou la papaga eai, telava, lavalua papai esi roromumuli balo, ge tilimumuli lou

Chapter 2

balo la vikarala, tiale esou esi veia esou lavalalua la bilip te Kristus tela valila vovo. Lavikarala tarsou akokora balo. Esou vigogolo esou lavalua ge abi esou soama la lai bugu. ¹¹Kokora sele mage eme veisobo lavalalua eale. Esou veipala la papaga eai tesou la valalua ge abia sesou la papaga sari ge vimomoge esou tobole sou. Lamailele sou balo! La papaga eai aigo bugu la tulaila. ¹²Latalo lamari tarsou itasa veia, "Esou la valua le Krit veia esou vigogolo ririvu lou esou. Esou mage la bolovu esou lou tatosala esou lou alali papai larorotomi. ¹³Lvikakarala ale asele, mage tomi lavagarila esou ge tautao esou esou lou ge mariri vagari oilo la bilip tarsou. ¹⁴Lolomala la stori tesou e la valua te Juda e tomi la lo tesou latalalo, eale te Deo balo, eale atau sobo esou la valua esi vea ge tilimuli lava asele. ¹⁵Tesou la valua esi pou maroka, la papaga tomi ge subitala maroka. Alamoli esou la valua esi pou maroka balo la bilip lou tarsou oilo le Esus Kristus, la paga isa balo ge tabuli makaro. Telava, lagabutala lesou abugu tomiti. ¹⁶Esou veia esou rovi e Deo, alamoli esou lou roromumuli balo la vikakarala esou igigoa. Esou vikara sakiki esou lou koramuli balo ge igo la vovulola isa kokora.

Chapter 2

¹Eme Taitus, eme veipala la papaga gomai tomi la vovulola ge tilimuli vikakarala. ²Vateli la valalua ururu tela vovulola tela pou pakisila, vei loua sesou mage esou ge taola la bilip ale vagari oilo te Deo laimala kokora tomi laimala bugu. ³Vateli lou latavile ururu mage lou lavalalua, la vovulola li veimuli ge balo uku lou mala la lalalu vagari, esou lou ge vateli esou sari la vovulola kokora. ⁴Tela lai ale vateli lou la sosobe ge masaga e asuale sou ge masaga lou elulatule sou, ⁵pou tatao, matamuli tatao la luma roromuli lou e asuale mutou. La vikakarala te Deo akoramuli balo ge bugu. ⁶Tela lai moli eale abi la vikakarala kokora sesou la batamamale ge tuga tomi la vovulola kokora. ⁷La papaga tomi eme igoa avirovi emitou la vovulola kokora. Laimala eme vagago esou, igo la vovulola kokora tomi la tiam, ⁸vei la vikakarala kokora age bugu balo, mage la talo itasa avei mumuli, esou ge maela lava esou taola balo la papaga itasa age bugu ge veia se tatou, ⁹vateli esou la samura ge roromuli la mulaluga tarsou, ge igo esou momoge mala igototolo tomi esou, ¹⁰mala pakikali oama le sou, alamoli esou ge vailo la vovulola la bilip, magele la laitomi esou ge vailo la vovulola la vikarala tela vatelila te Deo la Uru tatou. ¹¹Latiamulila te Deo abi rivu esou la valua tomi sorara la baoga. ¹²La vatelila eai mitou lou ge pologale la vovulola bugu tomi la vovulola magasa. Aveia se mitou ge matamuli tatao, pou tatao igo la vovulola kokora laimala eai, ¹³laimala mitou matamulia ge abi la papaga kokora age subitala, la masagala te Deo te mitou tomi e Esus Kristus la makodo tatou. ¹⁴Esus abirivu eia se tatou ge abirivu lou la papaga bugu tatou igigoa ge igo etatou ge maroka, talia tobola, esou lavalalua kokora esi masaga ge igo la igogolu kokora. ¹⁵Vikakara la papaga eai, vateli lavalalua ge igo la vikakarala eai ge vikara vagari sesou ge igo la puloula tarsou age kokora. Mala lolo eatasa ge tau eme stalo.

Chapter 3

¹Vivei loua sesou ge roromuli mulaluga tomi ururu, ge lolo esou, ge raragi lou tela igogolu tomi kakora, ²mala igo la vovulola bugu, mala masaga sele lavikuela, pou pakisi moli, vailo la vovulola kokora sela valua tomi. ³Etatou moli la gabutala le tatou asi tatao balo etatou lou roromumuli balo. Etatou orara sele etatou lou la samura tela vovulola bugu tomi la papaga etatou masaga selea. Etatou pou tabosa etatou lou gabutala bugu e tatuale tatou. Etatou masaga ge tovililai la papaga masasaga lou balo e tasimu. ⁴Laimala la masagala te Deo e savior la masagala tela talo asubitala, ⁵mage balo la igogolu tela poutataola e tatou igigoai, tartigi sele eme abirivu emitou, asele tela kasosola la pepeso alaba tomi la muile Esus e Lalulu le Deo abia, ⁶esi e Deo asigiri la papaga tomi oata le tatou sele e Savior Esus Kristus, ⁷mage eme masaga selea la tiamulila, etatou ge mage etatou ge abi la muila eme masaga sele ge subitala tela maulila. ⁸Lavikakarala eai avigogolo balo. Eau masaga sele emutou ge mariri vagari oata la papaga eai, timage esi bilip omai le Deo age bomuli tatao ge tau tatao sele esou oilo la igogolu. La papaga eai akokora tatao esou ge igogolu omai. ⁹Alamoli mala tau la vikakarala siolo tomi lisa bululau tomi la vikarala tatao balo omai la lo. La papaga eai la mapala balo la paga isa bubu moli. ¹⁰Mala lolo itasa esi veia ge silelua baba kasisiki kabili le mutou, mavuli itasa va ilua la vikarala, ¹¹eme rovia mage la talo eai avulo rivu ti igo la pekato vigogolo rivu lou eia. ¹²Laimala eau ba e Artemas va e Tychicus soama se mutou, igo ari somai segu oama e Nicopolis, la ba eau vea ge pou laimala lavili. ¹³Igo tomi llapapaga eme koramuli ge ba esou soama la lai e Zenas e lawyer tomi Apollos, mage esou taola la papaga papai sele. ¹⁴La valalua ge tau sele esou oilo la igogolu kokora age abi lou la papaga esou masaga, tiale esou ge igo la vovulola kokora. ¹⁵Esou tomi esi eau vei laro semutou. Laro tesou esi masaga e tatou oilo la bilip. Latiamulila age tomi e mutou tomi.

Philemon

Chapter 1

¹Iau e Pol lapulu te Esus. Iau pou tomi e kilesi leku e Timoti eiau kekesi la pas soama se Pilimon, eme la talo kokora la samura temitou. ²Iau kekesi lou la pas soama se Apia, eia e kilesi tatou tomi e Arkipus eia latala tatou omai la lotu eiale vikipopo omai la luma tamutou. ³La tia mulila, la tia makarigila te Deo oilo le Esus age pou tomi e mutou. ⁴Laimala tomi iau kaka se la Uru iau kaka lou tamutou. ⁵Iau lolo mege e mutou masaga selea la vulola te Deo eme mariri vagari oilo le Esus. ⁶Iau kaka lou la vikipopola age subitala omai age kokora tatou pou omai le mutou. Emitou rovi tomi la papaga kakora oilo le Esus. ⁷Kilesi, iau taola la momogela la tia makarigi, te lava, eme rovi la masagala tomi tela valalua oilo le

Deo la vulola a vagari oilo la tia le sou.⁸Megei, mala taola la vagarila oilo le Esus a abila vagarila semutou te lava la papaga eme igoa,⁹la vulola moli ale eme masaga e tasim age vikara pakisi sesem. Iau e Pol, lapunu ti, e gei iau pou oama lapulu te Esus.¹⁰E gei iau sage latugu e Onesimus, iau virovia la vovulola te Esus laimala iau pou lapulu.¹¹Laisa iau rovi balo la paga itasa ge igogolu tamutou, e gei a igo tatao la igolu teleku, talia lou.¹²E gei iau baea ge beurivua sesem la tia le mutou age tau tomi eia.¹³Iau vei soboa age pou tomi eau ge igogolu tamutou age koli eau, la imala iau pou lapulu la vikarala te Esus.¹⁴Alamoli eau masagea balo ge igo la paga itasa. Eme ge vikara papai. Iau masaga balo la papaga kokora, eme tobom igoa la masagala tam.¹⁵La vula gabutala iale Onesimas litasoa kasiki. Gabutala la papaga a subitala ge abirivua eme ge pou tatao.¹⁶Eia samura bulau e gei, alamuli eia lasamura bubu, amege kilesi tam kokora. Eau masaga sele eme oata, oilo la tiam o oilo le Deo.¹⁷Mage, eme abi iau mege kilesi tam. Akokora mege emutou igoa segu.¹⁸Age kokora balo mege eme abirivu lou la makodo tam, akorale veia sesegu la mapala papaga tomoli.¹⁹Iau Pol, iau kekesi omai la limagu. Iau ge lotoa o kolirivu la makodo tamutou. Iau ge vei sesem megei, eme tobom ge taola la makodo tam omai lelegu la makodo la vikarala sele tam. Ala moli iau masa balo ge veia megele.²⁰Asele kilesi teleku, koramuli eme ge igo la paga tasa oama lisa le Deo. Milalou pou oilo le Esus mege la vovulola akokora tamutou.²¹Iau rovi tatao eme ge tilimulia la vikarala iale semu tou. Iau rovia mege esou ge vikara papai oata la papaga iau sa ge mutou o lala eia ge igoa.²²La vikarala salou iau ge vei loua, eme ge raragi la luma tasa teleku iau ge mavuta o lala. Iau masaga sele e Deo age lolo la kilaka tamutou age ba rivu eia somai se mutou.²³E papras, eia kilesi temitou a poulou oama lapulu te Esus eia vei laro semutou.²⁴Mege moli e Mak, Arestakus, e Demas, tomi eLuk, esou la samura tomi eau, esou lou vei laro tam.²⁵La tiamulila te Esus age tabuli tomi la lulum. Asele.

James

Chapter 1

¹ Eau e Jems, la samura te Deo tomi e Esus Kristus, eau kekesi la pas soama sela martatila savulsa lagela ilua oilo e Israil aba tomi omai la magasa, eau abi laro semutou tomoli. ²Tatuagu, mutou ge momoge laimala tomi laimala emutou tupapora la utukumula. ³Emutou ge rovia mege la tilovo eale age igo la bilip tamutou age vagari.⁴Emutou mariri vagari ge bole la utukumula, mutou ge vagari sele, mutou kora muli sele balo ge pamulia la golu tasa oilo le Deo. ⁵Mege isa omai le mutou masaga la gabutala kakora, eia ge sage e Deo. Deo ge abi la papaga papai sela eia koramuli balo ge vikara papai la gol tasa laimala la talo sa sagea.⁶Mage la talo itasa ge sage Deo eia ge bilip vagari sele eia lou ge tiabugu balo la paga itasa. Mege la talo isa tiabugu amege la mago sukuiti la lolovi vai tasoa goama gomai. ⁷La talo eale karamuli balo ge gabutala mege age abi la golu tasa oama la uru. ⁸La talo magagele ataola la gabutala ilua, atilimumuli balo la vikakarala eia igioa. ⁹Esou la valalua bilip esou pou rabisi esou ge momoge, omai la lulagule Deo esou taola la lisa uru. ¹⁰La talo taola la papaga papai age momoge laimala e Deo ge tau sele lisa la stalo, telava, la papaga tomi talia ge kaluvu age peo mege la purpuru. ¹¹Laro apaga matomo abili peo la garirasi la sesela pasu, la papaga kakora tomi akaluvu. Mege moli e moni man ge peo taso tomi la papaga talia.¹²E Deo abi la vagarila se esi la talo amariri vagari oilo la tilovo. Laimala eia mariri vagari, age abi la maulila akokora sele e Deo a sakisobo tia ge abia se sou la valua esi masaga sele eia. ¹³Laimala la tilovo isa subitala omai la talo itasa eia koramuli balo ge vikara, "E Deo atovo e eau,"telava e Deo igo balo la vovulola bugu, eia totovo balo la valalua ge igo la vovulola bugu.¹⁴Alamoli la masagala bugu tela tiale esou la valalua itatasa a tovo ririvu lou esou, lapu rivu lou esou ge goama ge vigogolo lou esou. ¹⁵Laimala la masagala bugu tela tia asubitala uru, aigo la pekato, laimala la pekato subitala uru, la pileo subitala. ¹⁶Emutou mala roromumuli la talo itasa ge vigogolo mutou, titasigu kakora.¹⁷La presen tomi kakora mogoama le Deo. La presen eale agotaloi tela Tamala lait. E Deo a vovulo balo mege lalum subitatala age kaluvu bulau. ¹⁸E Deo makiti etatou ge abi la mulila kokora laimala tatou bilip la vikakarala sele talia, mege tatou ge subitala mege lulatu vimuga tela papaga tomi eia igoa.¹⁹Emutou ge rovia la papaga eai, tatuagu kakora, la valalua tomi ge lolo tatao la vikarala, esou ge lolo moli balo la vikakarala, esou ge atemamasi ari mala. ²⁰Telava la talo la atemamasila mutou koramuli balo ge igo la paga sa kokora e Deo masagea emutou ge igoa. ²¹Megele mutou tautaso tomi la vovulole mutou bugugu lulau ele tela pekato. Emutou tau emutou stalo mutou abi la vikarala te Deo eia taua oilo la tiale mutou, eale age koramuli ge koli emutou.²²Emutou tilimuli la vikakarala te Deo mala lolo moli la vikakarala, mege mutou lolo molia emutou vigogolo rivu lou e mutou. ²³Mage la talo itasa lolo moli la vikakarala eia tilimuli balo, eia mege la talo ilo ririvu lulagula oama la mira. ²⁴La talo eale a ilo tatao rivu lou eia mavulila eia goama gabtasoa la lulagulale.²⁵Mege ia talo matamumuli tatao la vovulola kokora esou rovi lava la talo atuga bulauti mege eia oama igo loua eia lolo balo agabtasoa tia, e Deo ge blesim eia lava eia igoa.²⁶Mege la talo itasa agabutala mege eia la talo lilotu alamoli eia ilomuli tatao balo lasela, korale eia vigogolo rivu lou la tiala, la lotu talia age la papaga sa bugu moli. ²⁷La vovulola tela lotu sesele omai la mata le Deo Tete amegei, la vovulola ge koli esou lulatu taola balo e tatamale esou esou tavevile asuale sou peoti oama la utukumula. Emutou lou ge maroka telava la vovulola bugu avolu omai la magasa.

Chapter 2

¹Tatuagu, emutou bilip mala bilip moli sela Uru Esus Kristus mala sautatola la vovulola mege eme ge masasaga la valalua sari moli. ²Mage la talo isa tau la gol ring la varkia talia lou alaba age gomai la ba la vikapopola tam, e rabisman sa lou ge gomai ge kai la papaga masesile ge goilo lou. ³Mege eme ilo la talo akai la papaga alaba eme ge veia sela, "plis gomai pou

omai la sia kakorai,"alamoli eme ge veia se rabisman, Eme mariri ovele va pou otalo la floa." ⁴ Amege mutou rovi balo lava mutou mege la jas mutou skelim emutou tomi la gabutala bugu? ⁵ Lolo, kilesi telegu sesele, amage e Deo maki balo esou rabisman omai la magasa ge bilip vagari ge goilo la kindom talia eia sakisobo tia ge abia sesou esi masagea? ⁶ Alamoli emutou igo bugu se rabisman! Gabutalea. Esou maniman igo la vovulola bugu semutou. Esou eale igo bugu emutou esou tutau emutou la koti. ⁷ Esou vikara bugu la lisa kakora tela Uru tatou Esus Kristus. ⁸ Mage mutou tilimuli tatao la latuturiala te Deo oilo la buk tabu talia aveia, "Korale emutou ge masaga e titasile mutou sari mege mutou masaga mutou,"emutou ge igo la vovulola kokora. ⁹ Alamoli, mage mutou vailo esou la vovulola ge masaga sele la valalua sari moli, emutou igo ti la pekato, latuturiala ge koti tamutou mege esou la valua roromumuli balo la tuturiala. ¹⁰ Mage la talo itasa tilimuli tomi la tuturiala te Deo, mage eia putu la tuturiala isa moli, la talo eale aputu tomi ti la tuturiala le. ¹¹ E Deo veia, "Mala igo la povurula," avei lou mege, "Mala bibili la talo," Mege eme igo balo la povurula, eme bili peo la talo, eme la talo la roromulia balo la tuturiala. ¹² Emutou igo la vikakarala tomi la vovulola tesou la talalo esou tau esou stalo latuturiala. Deo ge matatavu la vovulole esou tomi latuturiala esou putua tomi la vagarila tela pekato ge igo tatou ge pou tatao. ¹³ Laimala e Deo matavuti etatou, eia koramuli balo ge tiamuli lou esou la valalua esou tiamumuli balo la vala sari. Mege la talo isa tiamumuli la valalua sari, eia ge momoge laimala la koti. ¹⁴ Emutou tatuagu, mage la talo isa veia, "Eau bilip la Uru e Esus Kristus," alamoli eia igo tatao balo la igogolu. Akora, la bilip talia le age abi riua memesi? ¹⁵ Mege tuam tasa va e matavilem tasa taola balo la varkia va lilali tela lalogo itatasa. ¹⁶ Isa omai le mutou ge veia mage, "Eme mala titali, eme goama pamuli la varkia tam goama lou pamuli lilali tam eme ge alimaru." La vikarala eale ge koliala telava emitou abi balo la papaga talia? ¹⁷ Aiti magele mege la bilip tam taola balo la igogolu, la bilip eale la paga sa bubu moli. ¹⁸ Alamoli la talo isa ge veia, "Eme bilip lou, eau igo lou la vovulola kokora." Vailo eau la bilip tam taola balo la igogolu kokora olala tio eau vailo eme la bilip teleku tomi la igogolu la kokora. ¹⁹ Eme gabutala loua. Eme bilip mage e Deo isa la seselela aolala. La bilip tam eale asele. Alamoli esou la lulu bugugu lou bilip lou megele, la vovole sou pariri bugu sesele. ²⁰ Eme taola balo la gabutala kakora. Eme rovia balo mege, mege eme bilip moli eme lou igo balo la vovulola kokora lou, la bilip tam ele la paga sa bubu moli. ²¹ E Deo toi e Abraham tubule tatou la valalua talia tela igogolu eia igoa laimala eia abi e latula e Aisak mege la ofa oata la alta. ²² Eme ge rovia, e Abraham aigo la igogolu kokora, la igogolu kokora le eia igo tomi la bilip talia. ²³ La buk te Deo aveia, "e Abraham eia bilip sele se Deo e Deo e toia la talo kokora. "E Deo toi loua mage, "E vikilipi teleku." ²⁴ Emutou iloa laigogolula lauru gabu talea balo, lauru gabutala moli latia vagarila. ²⁵ Ti mege moli ele, e Deo toi e Rehab e latavile la povurula latavile kokora tela igogolu talia laimala eia igo tatao sesou la samura eia ba esou soama la lai isa lou. ²⁶ Mege moli la vovo taola balo lalulu, la vovo eale a peo. Mege moli, la talo bilip moli eia igo tatao balo la igogolu la bilip talia apeo ti.

Chapter 3

¹ Emutou titasigu, la valalua papai balo ge vagago tela vatelila tela vikarala te Deo. Tatou rovitia mege, e Deo age skelim la vovulole tatou esi vagago oata lou lesou la valalua sari tela koti talia, telava e tatou vagago la vikarala talia soama sesou la valalua. ² Etatou igo la pekato omai la lai papai. Mege la talo itasa ge igo balo la pekato tela vikarala, eia oama ti la ba e Deo masaga tavua, eia koramuli ge matamuli tatao la vovola tomi. ³ Etatou tutau la getela ain itasa tesou la hos ge igo sou ge tilimuli la masagala tatou. Etatou lou ge stiaim tomi la vovola hos eale ge tilimuli la masagala tatou. ⁴ Gabutala lou la sip. La sip la papaga ururu sele alou a vagari sele la lolovi ababia soama, alamoli la kepten la sip astiaim tomi la stia bisi ge vulo la sip soama la bamama eia masagea. ⁵ Ti mege la kamlale tatou la paga sabisi omai la vovole tatou, alamoli eia gigisasaia. Etatou mege lavi sabisi aroko alamoli akoramuli ge selulu tomi la ba la laobu. ⁶ La kamlale tatou a mege lavi. Eia la hap la vovole tatou itasa aigo lala vovulola tomi bugu tela magasa, Eia ge igo lavi oama elea. ⁷ Esou abi la malvuvu tomi, lamalu, lapakeso, lapakusu tomi olau lamago. Esou bomuli e sou taua otalo luluva lesou. ⁸ Lamoli latalo isa balo bomuli lasesele esou. balo, lararo tomi lasesele esou, ase lulau moli lamia bugugu. ⁹ Lasele tatou ge bole sai elatula e tamala, eia moli tatou subita latalo, e tatou subitala la masagala Deo. ¹⁰ La vikarala ilua subitatala oama lase isamoli. Titasigu, lamamihai age mala subitatala. ¹¹ Lalulu lalalu isa balo visubi tatala lamago wa lalalu? ¹² Amage lou laobu lisala la pig, a kora muli balo ge subi tala la oliv? la vain lou akoramuli balo ge visubi tala pig, amage moli lamago, kora muli balo ge malima mege lalalu. ¹³ Wa esey taola la gabutalala lamari olalale mutou? mage esa olala lemutou ge igigo lavovulola kakora oilo laigogolula talia lavasula volu lamari. ¹⁴ Mage emutou ge tia bugugu le sou sari oilo latemu, mala tukukovu la vikarala seselela. ¹⁵ La gabutalala iale a mogoata balo lamori. Balo, ala mia lamagasa moli. ¹⁶ Esou lavalua ale tia bugugu le sou sari, esou pamuli lai ge bole saie lisale sou. ¹⁷ Lamoli esou lavalalua ale abi la gabutalala kokora mogoama le Deo, esou igigo la vovulola kakora mage, la tiamulila, la tiamakarola, la vikarataola, esou ge taola lairomulila, oama le sou lavalua. ¹⁸ Lilali la vovulola kakora a visubitatala latiamigila oama lesou lavalalua ale kakora.

Chapter 4

¹ Lavula mamesi lavaigola subitatala kabili lemutou? lavovulola tiabugula a volu oilo le mutou, timage esou vikekue oilo la vovole mutou ele. ² Emutou masaga selea, lamamia kakora emutou getaolea. Lamoli emutou abia balo, timage emtou bibili esou lavalalua pepeo. Emutou masaga sele lamamia kakora lamoli emtou ababia balo, timage emutou vikekuele, lamoli emutou ge abia balo, emutou rarigi balo se lauru, timage emutou ababi balo lamia itasa. ³ Timage emutou veage kaka se lauru ge abi lamia kakora semutou, lamoli emutou ababia balo, lavovulole mutou kora balo. ⁴ Emutou eletaso ti

lauru, mage latavile eletaso tie asuala agoama lavalalua troviveli lela. Timage latalo isage masaga sele lamia lamagasa, la mssagala te Deo balo oama lela. ⁵La vikarala te Deo vei magari, laLulu e Deo taua oilo le mutou ele, amasaga selea age otalo luluvala lararo tomi. ⁶Lamoli e Deo abi matomo la tiamulila, mage lavikarala talia vaiha, E Deo ge suku esou susuku esou soatao stalo, to age bole sae esou ale susuku esou stalo soata. ⁷Emutou pou otalo luluvale Deo. Mururu taso e satan ele, age eletaso emutou age elesoamao. ⁸Suku bovivi soama se Deo, age suku bovivi somai semu. Emutou lavalalua liligo lapekato, gigei latiale mutou ge makaro, mage latalo vui makaro lalimala, e mutou ale taola la gabutalala ilua emutou abi taso itasa ale bugugu ele. ⁹E mutou latia tikumula, emutou tali matomo, esou ale lelege egei, mavuli esou ge tali. ¹⁰Eme suku eme sotalo oama lamatala Deo, age bole sai lisamu soata. ¹¹Mala vagile etavimu itasa, wua e tasimu. Latalo vei bugu esou sari, amage a vei bugu lalo. Mage avei bugu lalo, eme oilo ti lalo, tela koti. ¹²Latalo moli abi lalo ge jagim. Eia moli latalo ge igo gumea wa igo bugugua. Eme esei, eme vei bugugu esou e titavimu? ¹³Egei lolo, eme esai veiea, "Gigai va galageli tatou ge goilo la city, pou laliavala oama, lovea, toeme igo lagulila." ¹⁴Esei rovi lamia ge subitala galageli, tio lamulila tamu ge mamesi? oilo lemu lagabutala mu a subitala moli kasiki a matapaloua. ¹⁵Eme ga, vei magei, lauru masagea eme ge pou malau e yau ge igo lamia magele wa magei." ¹⁶Lamoli e gei emutou igo pokakasa emutou vipalala lamia eme igigoa. Lavovulola yale a bugusele. ¹⁷Mege latalosa roviti lamia kakora lamoli aigoa balo yale lapekato talia.

Chapter 5

¹E gei, eme ale taola lamamia paisele, gabutala tao lamia bugugu ge subitala olala lemu. ²Lamamia tamutou ele a mavuluti, lakairobo tamutou ele ekusuke ututia. ³Iagoul lasilva tamutou a rositi age vipala lavovulole mutou. A ge gutu emutou mege lavi, laimala boviti lamamia tomi ge kaluvu ale emutou vikapopoa. ⁴Eme iloa, esou lavalua ovo lilali oare louma eme vigogolo esou, eme tukovu lapu lilotole sou, liloto le souele eme tauge lapu, a tola soata se Deo age kolirivu lavovulole emutou bugugu ele. Latilola tesou ale igogugolu oarele lauru lotia. ⁵Lararo tomi emutou pou otalo lamagasa emutou ababi lamamia kakora, timage emutou momoge moli ele. E mutou aliti aliti lakabibilile mutou rogoti laimala lapileo tamutou subitalati. ⁶Emutou kotiti tesou lavalua kakora emutou biliti e sou, esou koli rivu balo lavikuela tamutou. ⁷Timage, titasigu, emutou vivagari latiale emuto ele tela bulela tikumula, ge poutali e lauru ge beurivua. Emutou rovia latalo taola louma age poutali louma ge matua, age pou moli putarea lousa, laro ge vivagaria, to eia ge ovotia. ⁸Emutou, lou, pou tao vivagari latiale mutou ele lavula labileula te lauru boviti. ⁹Emutou mala vei bugu e tavile mutou i tasa, lavula esou ge vei bugu balo eme, Iloa, e jas mariti oama lamatala luma. ¹⁰Titasigu lolo somai, esou e profet elaisao esou valolo lavikarala te lauru. ¹¹Lolo e tatu vivei megei, esou ale latiale esou vagari esou ge momoge sele, Emutou loloti lagelemuli le Jop, a vagari moli labulela tikumula ale gomai sela, emutou rovia lauru igo gumuma etatou a tiamuli e tatou. ¹²Titasigu, lamia uru sele, timage emutou geigoa balo, emutou toi mala lisala mori la magasa wa vei sele oata. Mage emutou ge vaisele " yale a sele" mage "balo" a " balo" lavula eme ge pasu balo lajasmen. ¹³Mage isa olale mutou ge bole latikumula? age kaka se lauru. Mage latiale asa ge moge? age bau bole sai lisale a uru. ¹⁴Mage isa olale mutou gesara? age tola esou lamulaluga lalotu, lavula esou ge kaka talia. Oilo lisa lauru esou ge tau laweli oata lela. ¹⁵La kilaka lavagarila age vimuli latalo la sirara, lauru ge sukua soata. Mage age igo lapekato e Deo ge tiamulia. ¹⁶Vipala lapekato tamuele sesou sari kaka tarsou lavula eme ge kora. Esou latalo kora gekaka lakilaka tarsou ele age vagari age malamulia. ¹⁷Elija latalo mage moli etatou, lamoli a kaka vagari sele se Deo mage lousa ge pu balo kara laliavala i tolu latabulamale iwolo. ¹⁸Gomai Elija kaka lou lousa mogoata lamori pu, otalo lamagasa laobobu tomi vualau. ¹⁹Titasigu, mege isa lemutou ge eletaso lavikarala laseselela, mege easa ge vasi rivua. ²⁰Latalo yale a igo lavovulola kora, emutou gabutala tao lavikarala yale, latalo isage abi rivu latalo lapekato itasa mogoama lavovulola yale amege abi rivua mogoama lapileo, latalo yale abi rivu lalula, lavovulola yale Deo ge abi taso lapekato tamu uru sele.

2 Peter

Chapter 1

¹Simon Pita, la samura eia lou la bilala te Esus Kristus, tesou esi abi la bilip ale amaroka mege mitou lou abia, la bilip oilo la lai kokora te Deo tomi e Savior Esus Kristus. ²La tiamulila tomi la tiamigila age volu sele soata oilo la gabutala te Deo tomi e Esus la Uru tatou. ³La papaga tomi gabutala mulila vagarila tela maulila tela vovulola kokora esou abitia se tatou oilo la gabutala te Deo, esei tola etatou oilo la glori talia akokora tao sele. ⁴Oilo la papaga eai eia abia se tatou la papaga kokora tatou sele tomi la promise uru sesele, ti mage emutou ge vilovea oilo la papaga vagari sele omai la magasa, ge ele taso la vovulola bugu omai la magasa esou igoa omai la vulole bugugu. ⁵Tela vula eale, eme ge vagari sele ge tautomi la vovulola kokora tomi la bilip tam, la vovulola kokora, lagabutala, ⁶lagabutala, lavovulom, tela vovulom, la vovulola kokora balo, tela vovulola kokora balo, igo la vulola kokora tatao sele, ⁷la vovulola kokora tatao sele, masaga sele tuamu, eme masaga e tuamu, masaga selea. ⁸Mage la papaga eai aoilo lelem age uru ari sele oilo lem, age sautola eme te lava eme koramuli balo ge boru o eme ge vagari oilo la gabutala tela Uru e Esus Kristus. ⁹Alamoli esei masaga la papaga eai esou agavi sele ge matakea, esou gabtaso eia esai abi taso la pekato tarsou elaisa. ¹⁰Tiale, tatuaga, emutou ge vagari sele ge igo la tilola tam ge subitala sele, mage eme igo ti la papaga eai, eme koramuli balo ge vikara susu. ¹¹Eme ge abi la papaga kokora tao sele age abi eme soilo la lai tela kingdom ale la kaluvu la balo te la Uru e Savior Esus Kristus. ¹²Tilou eale eau laimala tomoni ge raragi ge viveia semitou la papaga tomi, la papaga tomi eme rovi tia, eme lou eme vagari oilo la vikarala eme

Chapter 2

gigei taolea. ¹³Eau gabutala tia akokora omai legu, amage eau omai oilo la luma, ge vei mulia sem lalai tela gabutala. ¹⁴Eau rovi tia mage tilau la luma telegu age igo arimoli, telava la Uru e Esus Kristus availo tia semitou. ¹⁵Eau ge iloa mage mavuli la papaga tomi emutou ge gabutalea la papaga eau vei tia se mutou ele. ¹⁶Emutou tilimuli tatao balo la vikakarala elaisa laimala e mutou veia se mutou la vagarila tomi la goma la tela Uru e Esus Kristus, alamoli e mutou ilo selea la mata le mutou vagarila eale. ¹⁷Eia togotia la glori mogoama le Deo e Tete laimala lagu itasa abi sela vagarila la glori, aveia, "Eai e latugu, tomi eia eiau masaga selea." ¹⁸Emitou tobole mitou loloa lagu eale amogoata la mori laimala emitou tomi eia oato lagove amaroka. ¹⁹Emitou lou abia la prophetic vikarala eale ge igo matomoa age subitala, te lava eme ge igo tataoa ge lottoa mage la lamo aroko oilo la maligoma kara mage la vurakoi la matatabu la vurakoi asukuiti oilo latem. ²⁰Oata tomi eme rovia mage la vikakarala isa balo oilo la buktabu agomai sela talo itasa aveia. ²¹La vikarala sa balo agomai la masagala tela talo, la talo vikakara mogoama le Deo laimala e Lalulu le Deo avolu oilo le sou.

Chapter 2

¹Esou la mulaluga gogolo ge goma la valua, esou la vagago gogolo lou ge goma se mutou. Esou ge abi kovu moli tomi esou la papaga bugugu sele, esou lou ge vigogolo la lisala Uru ese abi rivu esou. ²Esou papai sele ge tilimuli la vovulola tela magasa, oilo sele le sou lai tela seselela age bugu sele. ³Oilo tela balovala esou ge vigogolo eme la vikakarala papai sele. La bugula tarsou atabuli ti e laisa tio, esou peo tatao balo la vovulole sou eale. ⁴E Deo ababi balo laimala tesou angelo ese esou igo la pekato. Alamoli eia ba esou soama e hell se Tertarus ese saktola esou otalo la maligoma kara laimala la koti. ⁵Mage, eia lou abi balo laimala tesou laisa seleo. Alamoli, eia ilomuli tatao sele e Noah, ese la talo la vikarala tela maroka, eia tomi tau vitu lou laimala eia abi la laimala esou omai la magasa esou igo la vovulola bugu. ⁶E Deo abi taso lagale e Sodom tomi Gomorrah la boburo eia igo bugu sele esou mage la lulu lava subitala omai le sou. ⁷Eia igo tatao e Lot, ese gabutala pipai la vulole esou la vala igioa la roromulia balo tela vikarala te Deo. ⁸La talo moli eai, ese pou kabili lesou lalogo tomi, abi sele laimala uru oilo la gabutala maroka eia loloa eia ilo loua la vulole esou bugu. ⁹La Uru arovi lava age igo ge abi taso la valua kokora sorara utukumula alou ge sau esou la vala bugugu ge abi laimala sesou tela lalogo la koti. ¹⁰Eale asele tesou ese tilimuli la vovulola bugu tela magasa esou ale roromuli balo la vikarala etasa. Esou vagari sele mage esou sele ti, esou la tirara balo laimala esou veimulia se la valalua ale kokora. ¹¹Angelo esou abi la vagarila tomi la pava, alamoli esou koramuli balo ge abi lairuru la koti sesou soama se la Uru. ¹²Alamoli lavalua eai esou mage la bolo, pamuli la muile sou esou lou abi la bugugula se tatou. Esou lou rovi balo lava esou viveia. Oilo la papaga bugu ele esou lou ge kaluvu, ¹³Esou ge poubulau moli mage la kilolila lava esou igotia. La gabutala lesou amage esou taola la papaga kakora tatao laimala la logo la momogela. La vovulole sou abugu sele. Esou momoge moli la vovulole sou eale lalogo la lilali uru. ¹⁴Lalagule sou avolu tela povurula; esou masaga ge igo moli la pekato. Esou vimasi lou e tatuale sou la volulole sou bugugu, latele sou avolu tela balovala. Lulatu eale esou bugu sele ti! ¹⁵Esou rovi sele ti balo la vovulola kokora esou tilimuli la masagala tarsou seleti, tilimuli la vovulole Balaam latule Beor, ese masaga esou ge lotoa tela vulola bugugu. ¹⁶Alamoli lavalu tagu seselea la gula tela vovulola eia igioa- la donki vikara la gu la talo avei sobo la valua te Deo. ¹⁷La valalua eai esou mage lakalu partatala balo kasiki moli la vili avai tasoa laimala lousa. La maligoma Uru sele tau sobo esou. ¹⁸Esou vikakara balo la gabutala lesou. Esou veitutua se sou la valua ge igo la povurula. Esou sautatala la valalua esou vea ge ele la vovulola bugu. ¹⁹Esou vei sobo esou la poutataola, Alamoli esou omai igoloua la vovulole sou eale. Tela talo amage la samura tela vovulola aigo tia. ²⁰Mage esou ge ele la vovulola eale omai la magasa oilo la gabutala lesou la Uru e Savior Esus Kristus age sautala esou age tautalu esou, la mavulila age bugu sele age mage balo limamugala. ²¹Age kokora sele mage esou ge rovi balo la vikarala te Deo tio esou ge rovia ge vulo soama latuturiala abia sesou. ²²La vikarala eai asele tarsou: "La voto alirivu lou la lolokala, la bolo aloso lou oama la pita."

Chapter 3

¹Tatuagu, eai la pas liluala eiau kesia se mutou, oilo la pas iluale gabutala age bomuli la gabutala tamutou ²Mage eme ge gabutala rivu lou la vikakarala laisa esou la mulaluga tomi latuturiala te la Uru e Savior abia sesou la tuturiala. ³Rovi mugea eai, esou la vala la veimulia ge goma oilo la kaluvu la magasa. Esou ge vigogolo la vikarala ge veia sem ge tilimuli esou. ⁴Esou ge vei magei, "Tovai tila promise aveia ge beuloua? Laimala e tatamale mitou peo lauti, la papaga tabuli moli la muila, laisa sele tio la Uru aigo la magasa." ⁵Esou gabtaso tia mage la vikarala te Deo moli la mori tomi la magasa subitala lalalu oilo lalalu moli, ⁶asele la magasa laimala akaluvu, lalalu salibula lau esou. ⁷La vikarala moli eale la mori tomi la magasa age roko tomi, tabuli kara la lalogo la koti tomi la bugula te la valua. ⁸Age ele taso balo la gabutala tamutou, tatuagu, mage lalogo tasa tomi la Uru amge la tausana la liavala, la tausana la liavala amage lalogo tasa. ⁹La Uru asi pakeke balo gabutala la promis, amage esou sari tuga pakikisi. Alamoli, eia poutitali e mutou. Amasaga sele balo e atasa peo, e tatou tomoli ge vei pala. ¹⁰Amemesi, lalogo la tela Uru age goma la talo a pakalila: La mori age kaluvu tomi la kare la bisi balo. La gol age silulu tomi lavi, la papaga tomi omai la magasa age kaluvu. ¹¹La papaga tomi age kaluvu moli magele, emutou esi la valua e mutou igo la papaga magele? E mutou ge pou maroka la vovulola kokora omai la magasa. ¹²E mutou rovi tia la goma la te Deo. Tela lalogo eale, la mori age kaluvu tela lavi, la gol age melt oilo la lavi ativura sele. ¹³Tela promis talia tatou tomi omai pou titalia tela mori alaba la magasa alaba, lamomogela age kaluvu balo. ¹⁴Tele, tatuagu, laimala eme pou titalia la papaga eai, eme vagari sele ge pamulia, oilo la pou tataola. ¹⁵Eia, gabutala la goma la te la Uru la abi rivula, mage tuale tatou e Pol kesia se mutou, lamari eia abia sela. ¹⁶Pol vikakara la papaga oilo la

pas talia, la papaga ativura sele eme kora muli balo ge gabutalea. Esou mata taso molia esou masasaga balo la papaga kakora, mage esou igo loua la vikarala sari, tela gabutala lesou bugugu.¹⁷ Tiale, tatuagu, eme rovi tia la papaga mamuga lalimam, bomuli tatao emutou te lava eme koramuli balo ge boru la vikakarala bugu tela valua eme ge boru la bilip tam.¹⁸ Mariri vagari oilo la tiamulia la gabutala tela Uru e Savior Esus Kristus. La glori age talia egei tela mavulila. Asele!

2 John

Chapter 1

¹Omai le sou la mulaluga turi latavile itasa tomi e lulatu, esi eau masaga oilo la seselela- eau moli balo, esou tomi ale rovi la vikarala la seselela- ²telava la seselela atabuliti oilo letatou age tabuli moli magele la kaluvula ge balo. ³Latiamigila, latiamulila, tomi la poutataola age tomi etatou omai le Deo e Tete oama le Esus Kristus, e Latule e Tete, oilo la seselela tomi la masagala. ⁴Eau momoge sele mage eau pamuli ti sari e lulatule mutou tatuga oilo la seselela, mage moli etatou abi la tuturiala omai te Tete. ⁵Egei, eau veia sesem, latavile-eau kesia balo sesem la vikarala alaba, eai moli e tatou lolotia elaisa-mage moli tatou masaga e tuale tatou. ⁶Eai la masagala, mage etatou tuga oilo la roromulila tela vikarala talia. Eai la vikakarala. mage moli etatou lolotia mogoama la silokola, etatou ge tuga oilo lela. ⁷Papai sele esou gorara tomi la babala, esou koramuli balo ge veia sem mage Esus Kristus agomai mage la talo. Esou eale la talo la vigogolola esou lou veia esou lou e esus. ⁸Ilo rivu emutou, mage emutou tautaso balo la papaga mage tatou tomi igogolu olala, aiti magele emutou ge abi la mapala mavuli. ⁹Mage esi kobobu mamuga apou balo la muila oilo la vatetelila te Kristus ataola balo e Deo. La talo apou oilo la vatetelila, eia taola e Tamala tomi e Latula. ¹⁰Mage isa sobalo gomai semutou ge abia semutou la vatetelila eai, mala ababia soilo la luma tamutou mala vei lou laro sela. ¹¹Esi talo vei laro sela le eia lou aoilo tomi eia la vovulola bugu ele. ¹²Eau taola la papaga papai sele ge kesia semutou, alamoli eau masaga balo ge kesi tomia la pepa va la paga parakuru. Telava, eau veia ge gomai sele ge vikara tomi emutou, magele la momogela age bisi balo alou ge kaluvu. ¹³E lulatule tuale mutou vei laro semutou.

3 John

Chapter 1

¹La mulaluga e tuagu e Gaius, esi eau masaga oilo la seselela. ²Tatuagu, eau kaka mage la papaga tomi age kokora omai le mutou emutou lou koramuli balo ge sara, mage lou la soul tamutou. ³Eau momoge sele laimala e tatuagu gomai abi lou la vikarala la seselela tamutou, mage moli eme tuga oilo la seselela. ⁴Eau momoge matomo balo lou eai, lolo loua mage elulatugu tuga oilo la selela. ⁵Maroto, emutou vimasililai la bilip tamutou labamama emutou igogolu te tatuale mutou tesou la mosi ⁶esou vei loua la masagala tamutou oilo la lotu. Emutou igo tatao sele esou bataso esou oama lai tomi la gabutala kokora auru sele oilo le Deo, ⁷Eale amage la igogolu tela Uru mage esou tuga olalale, abi mala la papaga sari oama le sou e Gentile. ⁸Emitou lou ge igo magele telava emitou lou ge igogolo tela seselela. ⁹Eau kekesi la papaga sari tesou la valua, alamoli laDiotrephes, esi masasaga ge vimamuga kabili lesou, abi balo etatou. ¹⁰Mage eau ge gomai, eau ge tola tomi emutou lava eia igigoa, lavikakarala eia veimumuli etatou. Eau masaga sele balo la vovulola eale, eia lou tola balo e tatuale tatou soama, avei sobo la valua veia ge tola esou somai, avei loua ge tau esou sorara la lotu. ¹¹Maroto, mala tilimumuli la vovulola bugu alamoli tilimumuli moli la vovulola kokora. La talo aigo tatao la vovulola kokora eia te Deo; esou ale igo la vovulola bugugu ele esou ilo balo e Deo. ¹²Dimetrius avikara tatao sele se tatou tomi, eme ge rovia mage la vikakarala tatou asesle. ¹³Eau taola la papaga papai ge kekesia se mutou, eau masaga balo ge kekesia semutou tomi la pen va la ink. ¹⁴Eau ge ilo emutou ari sele, etatou ge vikara tomi. ¹⁵Latiamulila age tomi emutou. E tabarbarale mutou vei laro semutou. Vei laro te mitou tomi e lisale esou.

Jude

Chapter 1

¹Eau e Jud eau la samura te Esus tuale Jems. Eau kesi la pasi soama la valua te Deo Tama le tatou a tola tatou masagala sele tatou. Eia moli bomuli e tatou oilo te Esus. ²La tiamuli, la tiamigi, la masagala te Deo age volu seselele oilo lemitou. ³Maroto, eau viotavu seselele kekesi somai semutou Deo wago ti ge abi rivu e tatou. Eau gabutala ge kekesi somai ge veia semutou e mutou amutou ge sautola vagari oilo le Deo eia moli abi la vagarila setatou la valua tavevile. ⁴E mutou rovia balo la talo esou tiavagari balo e Deo la kukovu oilo la lotu avigogolo la vikarala a vulo lavikarala te Deo esou igola pauala. Esou tiavagari balo la mulaluga, eia la uru tatou Esus. E laisa sele Deo a vei mege, esou la talo mege esou ge mariri la koti te Deo, esou ge galo. ⁵E mutou rovi tomoliti la mamia, alamoli age visiti la gabutala le mutou. Amege laisa sele la Uru abi rivu esou Israel mogoama Egypt, lamoli a gomai igo bugu esou lavalua tiavagari oilo lela. ⁶A lou esou e Angelo masaga ge pou oilo la vagarila te Deo abi esou, lamoli esou ele taso la mutu tarsou. Ti mage la Uru kesi esou la sen esou ge pou oilo la bigomu la araro tomi. A bigomu sobo esou. Oama la mutu lamaligoma sele, age poutali la pileo tela koti te Deo. ⁷Age mage Sodom e Gomora la mutu uru atabuli bovivi soama sesou, esou igo la vovulola sesou Angelo. Esou tilimumuli la vovulola bugugu esou igo la pekato a sapolo a tilimumuli la vovulola bugugu tar sou, ti mage esou abi la tilolo oama lavi

kaluluvu balo. La mia iale a subi tala laisa, ti mege tatou gabutalea tilimulia.⁸ Lai eale esou lavalua tilimuli la mata rovi bugugu tar sou a igo la vovole sou bugu.⁹ La moli la mulaluga tar sou e Angelo Michael vaigo tomi e satan tela vovole Moses, Michael vaska balo, avei bugu balo satan. Avei magei, la Uru moli ge vei me.¹⁰ Ala moli la talo avei bugu la mamaia esou rovi balo la vula. mage esou la malvuvu la gabutala tela vovo. La vovulole sou eale aigo bugu esou.¹¹ Esou ge raragi. Sou tuga oilo la vovulole Kein. Esou masaga lilabi la mani, mage Balam a igo a sesou la iruru mage. E sou gomi vaska e Deo, mage Kora, la vovulola moli sou galo.¹² Esou la valalua sou mage la sakalu tela mago a tukovu aigo tabosa e sipi. Esou la valalua igoa tabosa la vikuela tamutou a kora. Esou maela balo, sou alali gabutala moli eia. Esou mege la sosobu lavi la lolovi vai tasoa. Eau mage laobu tau balo la vuala tela imala tomi sou ovoa agomai peo kaluvu sele.¹³ Esou ale la mago a bole uru sele tomi la vovulola bugugu tar sou, la imala tar sou a subi tala tila baoga mage la vure la mago. Esou mage la matatabu tilimuli balo lai tar sou. E Deo raragitia la mutu la maligoma sele esou ale ge pou la araro tomi.¹⁴ Enok a ivitu la talo mavuli le Adam, a gomai valolo esou mage, eau ilo e Uru gomai tomi esou la tausen le Angelo talia.¹⁵ A gomai ge lokebula sele la koti tar sou. Aveage igo sou ale tiavagari balo sou ge rovi la iruru tar sou la valalua la pekato e Deo masaga esou ge gabu sele la iruru tar sou igo muli esou igoa sela.¹⁶ Esou la valua la tiale esou bugu, esou veimuli sele la moli esou tilimuli sele la gabutala le esou gugugu igo karare igo tatao gisae esou. La moli esou savula goma esou ge tilimulia.¹⁷ La moli e kelesi, E mutou ge gabu tala lou la vikarala te sou apostel te uru tatou e Esus, a vipalaia.¹⁸ Esou vaimagei sesou, Te kaluvu la logo, Esou la talo la vai bugu e Deu esou tilimuli masa gala bugugu tarsou.¹⁹ Esou la valalua ale esou lokebula la lotu. Esou tilimuli moli la gabutala la talo lamagasa moli. La lulu oilo balo lesou.²⁰ La moli kilesi, La raro tomi e mutou tia vagari sele le Deo a oilo lalulu a kaka la kiloli le mutou.²¹ E mutou pou oilo la masagala te Deo pou oilo lararo tomi. laro tomi e mutou putari la tiamulila te Uru tatou e Eiusus age abi la mulila kokora se sele.²² E muto tiamuli esou la valua al tiavagari balo.²³ Emutou koli esou sari lavula esou ge goama Balo lavi la bugula sele. E muto ge taola la tirara la tiamulila le sou sari, ala moli e mutou pou malau le sou ale igigo la vovulola bugugu a mage moli la kirobo tarsou mugu sele.²⁴ Deo ge bomuli e mutou lavula e mutou ge pasu balo, Age vasi e mutou soama lamutu kora, La vula e mutou ge taola balo lairuru, La vula e mutou ge moge sele.²⁵ Uru Deo ala kiloli tatou oilo le Eiusus, A Uru tatou. a king, A bomuli lamia tomi. Lisala Uru la vagarila talia. A pou elaisa e gai a omai, A ge pou magemoli ele. A sele.